

輿地志

攷古名山大川城其間者每士秀發而民康樂
即楚會并諸郡邑大率麗名勝居多列在屬邑
豈有外焉我遠安邑治在萬山之中為四固之
地谿谷險阻沮漳流通載在府志其大略也邑
西鳳山尤稱名勝兵火之餘縣治頽廢涖茲土
者恒切遼闊之憂邑侯周爰為申請建茲高
城其基置繡錯可容千家雖依山為據非平行

之土鑿石為居鮮殷廢之室賴我邑侯安

多方保聚當此逆孽逼處執難隄防有恃此雲
堞劍壘而無恐者矣以是東望雲臺南眺青巒
王陽荆門讓其險西縈鹿苑北列洪恩峽州漳
水遶其竒且也滿日平疇俯而下勸農之令登
高作賦近而與課士之條萬一小醜跳梁真僞
可坐而辨去來可望而知誠哉士民蕃利常變
兩全也故脩紀之以俟後之君子因時量執而
審擇焉若夫山川之麗人物之集賦役之供創



造之蹟載在各條班班可考已

分野遠安本荊州屬邑上應翼軫當鶉尾之次○天文曰自張十七度至軫十一度為鶉尾於辰在巳楚之分野屬荊州

建置沿革漢武帝置臨沮隸南郡晉析臨沮為高安縣隸襄陽郡南北朝後周改高安為遠安屬峽州隋以遠安隸夷陵郡唐乾元初復夷陵為峽州屬山南道遠安屬峽州宋乾德仍以遠安屬峽州隸荊湖北路元隆峽州為路仍領遠安隸河南行省

遠安縣志

卷一

二

明初以峽州為府洪武九年改為夷陵州領遠安縣隸荊州府

因明制以遠安屬彝陵隸荊州府

疆域遠安在荊郡西北夷陵州東北○東西廣一百五十五里南北袤一百八十里○東至荆門界歐家山七十里至州城二百里○南至當陽縣界界山十五里至縣城七十里○西至夷陵州界峽口鋪五十里至州城一百八十里○北至南漳紫山嶽子亞一百里至縣城四百二十里○自縣治東

南至本府二百四十里至布政司水行一千二百九十里陸行一千二百七十里

形勝遠安東接荆陽西通巴蜀山谷險隘沮漳流通在萬山之中為四固之地府志沮江龍洞二水匯流於東南鳴鳳鹿溪二山鼎峙於西北左傳云江

漢沮漳楚之望也舊縣志真巖險用武之地周洪謨

風俗遠安其風樸畧民俗儉陋敬鬼重祠刀耕火耨

府志僻處深山主客相半以今觀之士尚廉恥而

厭奔競民務農桑而禁賭博漸次歸厚庶幾太古

遠安縣志

卷一

三

之遺風但連年寇亂流移烏合不無習染今幸宣

諭教化風俗漸淳矣

城古臨沮在南漳縣界漢建基於羅漢峪晉遷於

亭子山為高安累土為城元達魯花赤沙班遷於

亭子山下元末兵燬明洪武初邑侯大有修復天

順七年邑侯何盤重修有記成化丙戌劉千斤石和

尚作亂戌子命尚書白圭討平之遷治東莊坪砌

以磚石後大臣秦光分撥荆州衛千戶所守禦之

崇禎甲戌寇至城陷丙子邑侯王立德申請遷治

鳳山未果展邑侯周乃浹仍理前請題允建立
其時憑高爲險城堞未脩葵未署篆姚遠方都司
方應星協守關賊教萬騎攻階

國朝順治四年邑侯周會隆涖任露處山麓請勅上
寇周酉兒復申請修城節奉

各院批允率士孫開祚李本先鄒毓祚等民議太
孝何人龍談仲科程忠等修飭雉堞環列因河爲
池爲門四東曰景和西曰宣說南曰勦羽北曰遵
義甲午溪水暴漲東北城盡崩邑侯盧運昌營築

遠安縣志

卷一

未幾戊戌復大水城仍崩 邑侯安 布德招徠

申嚴保禦捐俸重修遂成金湯是年冬建安遠樓
下城之東門已亥春建朝闕樓于城之北廂

新城贊曰有石磷、有水濺、周垣環繞包羅萬
千澄潭水徹縹齒比連松聲鸞鳴傲日鏡懸月白

風清別是一天

舊志

邑侯安新城定論曰新城踞山帶河險峻可恃誠
四固之地也向非周君移治于此縣治廢置久矣
遠邑廢玉陽荆門必隨之藩籬既撤荆郢何所恃

以無恐則新城之建非獨利一邑實兩郡利也然
孤城保聚無幾非得防兵輪戍則村落洞若蠶食
無寧日安在其能保民固圉哉顧駐防無定所士
卒復寡弱丁酉春之失所自來矣余之請設將增
兵亦云急此務也幸

督部李 巡邊至此爰定厥議建木城於舊治之
陽創造營房以爲久駐計嗣是羣寇不敢輕犯蓋
新城木城犄角之力也然新城險狹營造苟簡可
變而不可常可暫而不可久一旦興歸蕩平舊城

之復在所不免但閭閻虛耗非生聚多載不可後
之君子盍審所從焉

鄉遠安縣原編戶二里曰甘泉在北曰豐泉在南
俱舊民後又增六里曰近悅曰尚義曰崇仁曰移
風曰易俗曰安民俱新民雜居

清初併爲五里遞年消耗丁糧不一後邑侯安奉

旨均季併爲三里曰甘泉里曰豐泉里曰仁義里輸納
稱便矣

縣東十五里至茅坪舖二十里至泥水舖三十里

至福河寺三十里至青竹山○縣南十五里至歇
馬舖三十里至木瓜舖五十里至青溪舖○縣西
十五里至後砦舖二十里至寶華寺三十里至中
坪四十里至石橋坪○縣北五里至安洋坪十二
里至鹿溪十五里至舊縣市二十里至什塚坪二
十里至許家庄二十五里至傅家坪三十五里至
白土坪五十里至洋坪市六十里至佈園七十里
至笕口七十五里至下管八十五里至上管九十
里至西河九十五里至郝家橋

遂安縣志

卷一

六

坊澄清坊分司宣化坊縣承流坊育材坊學

教坊學撥科坊為張龍翔坊為何史鳳翥坊為

中書坊為何廉憲坊為計亞魁坊為李雙桂坊王

孫滄海騰蛟坊為楊丹山起鳳坊為胡雙節坊

為孫氏 貞節坊為汪栢舟坊為冷貞節坊為

陶氏 以上俱在舊城今俱廢○新城市舊城○洪

恩市洋坪二市俱 邑侯安貸本興復 深水橋談


津縣東東門橋徐桓濟民橋趙邑 深

所建 吳家橋吳崇縣南黃家橋黃金 迎恩橋



遠安縣志

卷一





山鳴鳳山峰巒特異秀麗甲諸山上有石泉清冽
 可愛山半有石狀若龜蛇相傳宋室祐間有鳳鳴
 鼎新之讖故名又云邑令侯鳴鳳于此避亂因以
 名山先年邑中多火災成化間立元武祠于上災
 始息祠上有殿又有玉皇閣三清觀關帝廟趙公
 臺及和合石聚仙橋諸勝蹟鑿石通道執出天半
 入比之武當山山麓有觀音洞明月閣清風亭今
 建新城邑侯安復建朝開樓安遠樓詳見百雉繡
 錯矣城側水中有奇石三層邑侯安鑿池其上

裁蓮甚盛名曰瀨溪小島亦奇景也

有詩紀

鳳山贊曰山之麓鳳之宮何必棲于梧桐山之霞
鳳之粒何必餐乎竹實鳳兮鳳兮現宰官身說法
而來儀 舊志

仙女洞縣東十里泉出九子溪歲旱祈禱輒應

老龍洞縣東十五里龍洞庵右水經舊城東南入

呼兒洞縣東北三十里相傳張果老呼兒處甚高
峻深不可量明季土人避亂其中賊圍十餘日無
水土人執火深入見石壁上有詩又有井記上人

延安縣志

卷一

十

照記掘之水湧出可飲 子餘人氏賴以安

雲夢山縣西南六十里崔巍高拔上有演武峽召
將臺諸古蹟與青溪鬼谷洞相連

法琳洞在青溪寺側法琳誦經處也後卧雲居之

又名卧雲洞 詳見仙釋

鬼谷洞青溪寺迤西十里洞門高闊進數步有石
龕相傳鬼谷子講易之所洞深不可測內有層池
如蓮洞前有玉皇閣三間久廢守脩孫光哲過此
倡捐重脩李白傳云余聞乳窟迤青溪諸山仙洞

徃徃窟中多玉泉交流有白蝙蝠如鴉千年之後
身如白玉蓋由飲乳水而長生也今鬼谷有玉泉
蝙蝠意即乳窟也 贊曰古藤迷徑石乳滴池蝙蝠
車輪千百盈室先生晏然研硃點易門外縱橫
先生不知 舊志

通天樓洞距縣西三十里洞最高圓如鏡內有潭
靈異庚子秋旱邑侯安命縣尉穆諱登先詣洞請
水土人執竿而入寒氣逼人捧水既出陰雲即起
已矣安率邑人步迎雨隨水至四野霑足歲乃穡

遼寧縣志

卷一

土

觀音洞縣西十五里石壁聳峙奇拔可愛
茸霖洞縣西二十里有泉東流過新城北又東流
爲石洋河又東入沮水

鹿溪縣西北十五里山皆鹿瞳又名雲門山梁荆
山居士陸法和過此云著脚名山多矣未有如此
幽遠者遂樓隱焉中有鹿苑寺寺有八景曰絕品
茶招仙岩千年艾腰帶水松風亭苦竹溪石柱山
法華臺明季僧了機居招仙洞中三季仙去 有傳
戊戌年季春色侯安勸課農桑登法華臺見爲西

踏要害辛丑孟夏建亭于上亭成邑侯安往觀之
多士從游問及茶艾僧言土人採伐鮮有存者且
見前山右一壁如屏左山頂有危石如羅漢遂更
定八景一曰錦屏一峰一曰玉帶七曲一曰松亭
呼風一曰危岩招仙一曰石柱冲霄一曰羅漢點
頭一曰法華古臺 曰苦竹幽谿邑誌安有法華
贊曰丹青為屏翡翠作城置諸几筵片石亦珍
則八景總是一輪千年不廢法和先生後有作者

指石訂盟 舊志

遠安縣志 卷一

三

百井山又名太平山縣西北一百里極高廣多井
有鉄瓦殿聖水井結庵諸蹟山半有太平寺今俱
荒廢山迤西深壑茂林每小醜潛伏亦要地也
撞兒峪縣西北五十里俗傳張果老于此撞兒故
鳳凰山縣北十五里相傳唐肅臯為令有美政鳳
集此山故名周洪謨詠鳳台秋月云見說唐有肅
臯者當時曾作遠安宰治成幾鳳自天來見長陽志
雲飛洞縣北五十里○磨臍洞縣北五十里
紅岩洞縣北五十里紅岩寺後洞中有泉灌田千

餘頃○寺隆寺後洞深一里歲旱取水有應○白
馬山縣北三十一里山有白石狀如馬故名山阿有
漢高帝廟予又雲出其顛則兩山高領峻逼近西
北賊每出沒其間○羅漢峪縣西北五十里岩上
有石如羅漢峪內有溪源出石孔土人因以灌田
半峪中有洞奇險旁多蘭蕙間產芝名曰芝蘭洞
明末人多碎亂于此簡子惺結草舍洞前為陶菴
邑侯周過之題曰水石居諸洞西有瀑布高百
丈有魚泉相傳源本峨岷又西有回馬坡關夫子

回馬處石上有跡若馬蹄

沮水紀畧沮水出漢中房陵縣淮水東南過臨沮
縣界○沮水出東汶陽郡沮陽縣西北景山即荆
山首也高峰霞舉峻竦層雲山海經云金玉是出
亦沮水之所導故淮南子曰沮出荆山○沮水南
經臨沮縣西青谿水注之青谿水出縣西青山山
之東有濫泉即青谿之源也口徑數丈其深不測
其泉甚靈絮至于炎陽有亢陰雨時以穢物投之
無能暴雨其水導源東流以源出青山故以青谿

焉名尋源浮溪奇爲深峭盛宏之云稠木傍生空交合危樓傾岳恒有落執風泉流響於青林之下巖猿流聲於白雲之上游者若目不周玩情不給賞故林徒棲託雲客宅心泉側多結道士精廬焉有谿又東流於沮水沮水又東南經當陽縣北又南經楚昭王墓又南與漳水相合焉○石洋河源出甘霖洞東經新城西又經城北環城曲折三里許東入於沮○泥水溪縣東三十里源出石孔中○靈水溪在舊城西北十里源出洞中有深潭

以石投之似鑼鼓聲東至談家渡與沮水合○白龍溪縣東十五里水出石穴中○笕水口縣北八里源出雞頭山石穴中土人作笕引水灌田南流入於沮○香橋湖縣西六十里源出百井山○官湖舊縣一里○龍潭縣西南十餘里桃李溪山下禱雨有應○仰天池在真淨寺○義井舊城縣前○劉公井舊縣衙內前尹劉英鑿葉公井舊縣門內治大○**水**東庄坪堰○石洋河堰○後砦堰○觀音寺堰○白馬峪堰○婁家庄堰○安洋坪堰○塚坪堰○

上許家庄堰。馬家坪堰。鹿苑寺堰。下
庄堰。茅坪堰。福河堰。下茅坪堰。白土堰。
霧水洞堰。壽隆寺堰。鹿溪堰。窺口長灘
堰。青谿堰。上馬家埧塘。上佈園堰。下佈
園塘。上窺口塘。傳家坪塘。土門岬塘。鄧
家灣堰。淨音寺塘。桃李溪塘。中窺口塘。
羅漢峪堰。桑坪堰。南寨城塘。油溪河堰。
佈園紅岩塘。以上俱荒圯。邑侯安多方申飭
產物穀類黍粟稷麥豆麻蕎。蔬類苜蓿竹筍葱蒜

定安縣志

卷一

五

韭芋茄瓜蘿蔔油菜。果類核桃銀杏栗梨柿柑
橘梅桃李杏櫻枇杷花紅石榴。花類牡丹芍藥
桂花海棠萱草蘭蕙薔薇玉簪金鳳紫刺石桂葵
菊。藥類川芎半夏黃柏厚朴五加皮香薷仙茅
大黃前胡枳殼柴胡百合忍冬升麻蒼朮桔梗海
荷澤蘭地榆草麻紫蘇荆芥萊菔昌蒲蒼耳車前
香附天門冬麥門冬天南星旱蓮益母草天花粉
何首烏黑牽牛山梔子青木香夏枯草地骨皮天
葵。貨類棉花布線絲絹油靛蠶椒芋麻紫草

草五倍子○木類松檉槐桐楓桑栝柳楊椿號樹
楮黃楊烏白冬青○禽類野鷄鴛鴦鷓鴣○獸類虎豹麋
鹿兔獺狐猿野豬○鱗介類鯉鰱鯽鱔鱉龜
魚

通家類志

卷八

十六

